



**Io. Iac. Chiffletii De Linteis Sepvlchralibvs Christi
Servatoris Crisis Historica**

Chifflet, Jean-Jacques

Antverpiae, 1624

Cap. XXV. Sindonem Allobrogicam excepsisse cruentum Christi corpus, &
de Cruce recèns depositum: non illud in sepulchro post pollincturam
obtexisse.

[urn:nbn:de:hbz:466:1-64456](#)

sepulchro fuerit, (vt vulgus existimat;) siue obtem-
ptum dumtaxat ante pollincturam, de quo nunc
agendum paulò accuratiùs.

CAPVT XXV.

*Sindonem Allobrogicam excepisse cruentum Christi
corpus, & de Cruce recens depositum; non illud in
sepulchro post pollincturam obtexisse.*

PINGONIUS & Paleotus Caluino & hæreticis
obiicientibus, Sindoni, si vera esset, debuisse
imprimi institarum notas, quibus ex ritu sepul-
turæ Iudaicæ, Christi manus & pedes ligari o-
portuit; non autem capit is, quod proprio Sudar-
rio inuoluebatur; respondent, ideo non apparere
institarum vestigia in Sindone Taurinensi, quod
ea sacrosanctum Christi corpus non in sepulchro
ipso iam lotum, vñctumque, ac institis ligatum
complexa sit, sed cruentum, & recens è cruce de-
positum excepit. Numquid enim non conueniat
(inquit Pingonius) Christum mortuum duos nobis-
lissimos habuisse pollinctores, unum Josephum Ari-
mathensem Decurionem, assiduum siue diuitem; al-
terum Nicodemum, itidem virum pius: emptam-
que à Iosepho Sindonem mundam, à Nicodemo aro-
mata aloës & myrrha: Sindonem, ut depositus de-

T cru-

cruce Christus illico tegeretur, inuolueretur, honestè exciperetur, donec de sepuliurā & apparatu prospetum esset, & inuolutus in monumentum deferretur: aromata autem, ut postquam delatus esset in horum, ad fores monumenti, rite lauari, inungi, linteis siue ligaminibus aut fasciis, qua obōvia iam diximus, obligari posset. Atque ita virumque subsistet, & Sindonis veritas, & sepultura ritus. Neque certè pollinatur eò loci satis commodè aut honestè ab officiosissimis viris peragi potuit, neque satis tutè, cum maximè Iosephus dicatur à Joanne occultus fuisse Christi discipulus, propter metum Iudaorum. Igitur distinctè ut dicamus, hunc sepultura apparatum hoc ordine rectè exposuerimus: ut Joseph primò corpus Iesu è cruce reperit; secundò receptum hac Sindone inuoluerit, seu contexerit potius, tertio ad ostium monumenti delatum, unguentisq; delibutum, aliis linteis ad hoc ipsum paratis circumuoluerit, sicq; ligatum, atque inunctum, patriæ more sepulchro condiderit. Quis enim vero simillimum non dicat, Iosephum non aliter mundam, Sindonem mercatum fuisse, quam ut sacrosanctum corpus de cruce depositum statim exciperet, totumque à capite ad pedes, ad decorum & reuerentiam obnubaret? Quare rem sic se habuisse dixerimus, Sindonem hanc pedescirciter duodecim longam, tres latam & eo amplius, stratam extensamq; primum humi, aut in appa-

apparatus tabulâ fuisse, tum de cruce refixum, deducimus, medio linteo ad tabulam superimpositum; deinde Sindonem reliquam à capite ad calcis reiectam, & toti corpori accommodatam; atque ita elatum, & in monumento positum. Inde facile contigit, ut corpus flagris, sentibus, plagiisq; acerbissimis recens saucium, eductis clavis, cruento fluens, tabo sudoreq; madens, refrigeratis ex agitatione corporis vulneribus, ex vido intinxerit, singula impresserit, & ipsammet formam in Sindone repræsentauerit, concurrentibus circa medium linteum verticibus, complicatis manibus, & pedibus ad utramque oram hinc inde protensis, unde auersi & aduersi hominis adumbratam effigiem, & integrum symmetriam, quasi quibusdam descriptis delineamentis deprehendas, præsertim si ex obliquo, captato figuræ lumine, remotis facibus intueare: ut videre est, non modo contemplari, argumento ab effectu & reipsa validissimo. Hæc ille accurate satis; cui si quis opponeret Bullam Iulij II. datam anno M.D.VI. ubi dicit Sindonem Camberensem eam esse, in qua Dominus noster Jesus Christus in monumento positus, inuolutus fuit; responderet, (& appositiè) Pontificem non eo loco decretum sancire, sed ex vulgi sententiâ loqui. De hac igitur totâ re, ut dicam quod sentio, illud in primis affirmare ausim cum Pingonio, Sindone Allobrogicâ non

T 2 fuisse

fuisse inuolutum Christi corpus in sepulchro,
sed tantum ante pollincturam, ex quo è cruce
refixum est: quod quidem vt existimem, non fa-
cit ea quæ Pingonio id maximè videtur suasisse
Caluini obiectio (alio enim loco rationem at-
tuli, cur neque in Sudario Vesontino, quod in-
tra sepulchrum ipsum latuisse dubium non est,
institarum notæ extare debuerint;) sed alia ar-
gumenta maximè duo. Primum est, quòd in
Taurinensi linteo cruenti corporis existunt ve-
stigia, sparso in brachiis, vultu, pectore, humeris,
aliisque corporis partibus, & coagulato sanguine,
iis ipsis locis, quibus hærere debuit, pro situ
& membrorum positione, quam Christus è cruce
pendens habuit. Illum autem concretum san-
guinem lotione atque vncione detersum, dubi-
tari nequit, cùm neque vlla eius appareant ve-
stigia in Vesontino Sudario, quod curato iam
corpori appressum, retulit tantum notas sanguineas
quinque Vulnerum grandiorum. Igitur Sindon
Taurinensis non in sepulchro, sed ante pol-
lincturam diuino corpori adhæsit, & diffuso cir-
cumquaque redemptionis sanguine liberaliter
infecta est. Alteram rationem mihi suppeditat
velum, (quod Aquisgrani ostenditur,) quo Chri-
sti crucifixi pudenda obiecta sunt; cuius veli in

vtra-

vtraque Sindonis parte distinctissimè cernuntur vestigia: vnde etiam probat Salmeron, Christum cruci affixum iis partibus tectum fuisse. Illud autem nemo iure dicet in sepulchro relictum, cum nullum eius vestigium extet in Vesontino Sudario; neque sic obiectas umquam mortuorum partes, ratione ullâ vel auctoritate probari possit. Sic igitur rem gestam arbitror: deposito de cruce sacro corpori detracta est spinea corona, relictum velum quo partes obtegebantur. Quia verò nec commodè nec tutè satis curari potuit cadauer à Iosepho & Nicodemo viris honoratis, & occultis præ metu discipulis, in ipso cruciatus loco, debuit aliò deferri: at quomodo honestè, nisi tectum? In tabulâ igitur ligneâ, linteo stratâ extensum est; quod linteum deinde à capitis vertice ad pedes reiectum, utriusque corporis facie adhæsit: sic obductum, delatum est ad pollincturæ locum, non procul à sepulchro; ubi ritè perfusum inunctumque, aliis pannis, & nominatim Sudario Vesontino inuolutum est. Sindonem enim quâ recens è cruce exceptum fuerat, quippe vndique cruentatam, perluto perpurgatoque corpori iterum admoueri non decuit. Illud igitur Linteum, quo tectum Christi corpus à cruce ad pollincturæ locum deportatū est, Sindon est Taurinensis: quam

T 3

Pin-

150 DE LINTEIS SEPVLCHR. CHRISTI

Pingonio non abnegem, præcipuè significari Sindone illâ mundâ, quam mercatus Ioseph, eaque depositum Domini corpus inuoluisse dicitur: quamquam ea vox *mundæ Sindonis* (vt alibi iam monui) ad sepulchralia quoque linteal extenda videatur.

Atque ex dictis apparet, Sindonem Taurinen-
Cap. 20. sem non esse Sudarium , quod Ioannes dicit fuisse super caput Domini; (quidquid in contrarium afferat Paleotus cum Mallonio:) nam Sudarium intra ipsa sepulchri septa corpus vestiebat; Sindon autem illa intra sepulchrum non fuit. Quòd verò nec sit Sudarium illud , de quo mira refert Beda; alio loco demonstrauit ex linteorum longitudine diuersâ.

C A P V T X X V I.

De Sindone Compendiensi.

COMPENDIENSES in Picardiâ Galliæ prouinciâ, seruant in Ecclesiâ S. Cornelij linteum candidum, ad instar serici aërij tenue, quod *Christi Domini Sindonem* vocant; eò loci per Carolum Caluum , translatum ab Aquisgrano , ubi priùs habebatur munere Caroli Magni Imperatoris. Hoc manuscripti codices docent , firmantque Nico-